

SARS yi lotta xikongomiso xa yona eka Tithirasiti

Tshwane, 28 Ndzati 2022 – Vukorhokeri bya Xibalo bya Afrika-Dzonga (SARS) byi engetela xikongomiso xa byona eka Tithirasiti hi ku sungula rendzo ro endla ximodeni no antswisa minyikelo ya vukorhokeri eka xiphemu lexi xa Afrika-Dzonga. Miantswiso leyi yi kongomise eka ku endla swi olova eka vahakelaxibalo ku landzelela swiboho swa vona swa xinawu.

Ku landzela leswi nga laha henhla, SARS yi endlile nxopaxopo wa xiyimo xa sweswi lowu koxometiweke wa vulandzelelanawu bya xibalo hi Thithirasiti na vavuyeriwa va tona ku kumisisa loko Tithirasiti hinkwato na vavuyeriwa va tona va tsarisiwile na SARS eka swikongomelo swa xibalo na loko Tithirasiti hinkwato na vavuyeriwa va tona va fayirile mitlheriso ya xibalo xa malinghena ya lembe. Loko swi ri tano, na loko ku ve mitlheriso yaleyo hi ku helela na ntiyiso yi kombisa xiyimo xa vona xa xibalo xa ntiyiso na swiboho swa vona swa tihakelo swi fikeleriwele hi ku helela.

SARS yi le ku tirheni hi matimba ku engetela no ndlandlamuxa ntirhiso wa switiviwa. Hi phurosese leyi, SARS yi boxile nomboro ya nkoka ya vavuyeriwa va tithirasiti lava kumeke mihangalaso kambe va nga rhumelangi mitlheriso ya xibalo xa malinghena hi ku fambisana na xiboho xa vona hi ku ya hi xitiviso xa mani na mani xa lembe ehansi ka xiyenge xa 25 xa Nawu wa 23 wa 2011 wa Vulawuri bya Xibalo.

Vavuyeriwa lava va katsa tikhamphani, vanhu na Tithirasiti lava faneleke ku rhumela mitlheriso ya vona ya xibalo xa malinghena leyi kayiveleke xikan'wekan'we. Ku tsandzeka ku lulamisa nkavulandzelelanawu lowu, SARS yi ta tirhisa swipimelo swa nawu leswi nga katsaka swiendlo swo fana no tumbuluxa mihlahluvo leyi pimanisiweke, nsindziso wa ntswalo na mixupulo ku katsa na swikhiro swa xinawu na swa vugevenga.

Hi ku fambisana na swikongomelo swa yona swa kungu swo nyiketa nhlamuselo na ntiyisiso ku kotisa vahakelaxibalo ku landzelela swiboho swa vona swa xinawu tanihileswi swi lavekisaka xiswona hi ku ya hi nawu, pulatifomo ya ntsariso wa masungulo wa le ka inthanete (SOQS) wa kumeka ku pfuneta no kotisa Tithirasiti ku titsarisela na SARS. Pulatifomo leyi yi nga kumiwa hi ku tirhisa hayiphalinki leyi landzelaka: [SARS Online Query \(2.0.0.0 \(Prod\)\)](#).

Khomixinara wa SARS Ttn Edward Kieswetter u vurile leswaku, "SARS yi ta tirhisa matshalatshala hinkwavo lama nyikiweke eka nawu loko vahakelaxibalo va tithirasiti na vavuyeriwa va tona va kaneta swiboho swa vona swa xinawu hi vomu. Hambiswiritano, vahakelaxibalo va Tithirasiti na vavuyeriwa va tona va nga ha lulamisa timhaka ta vona ta xibalo hi ku tirhisa Phurogireme ya Mpaluxo hi Ntsakelo ya SARS (VDP) leyi nga kona no kumeka eka pulatifomo ya eFiling.

Mayelana na vuxokoxoko byo tala, u komberiwa ku tihlanganisa na SARSMedia@sars.gov.za.